



খালেদা জিয়ার অবস্থা অপরিবর্তিত থাকলে দেশে ফিরবেন তারেক রহমান: মির্জা ফখরুল



সংগৃহীত ছবি

বিএনপির চেয়ারপারসন বেগম খালেদা জিয়ার শারীরিক পরিস্থিতি যদি স্থিতিশীল থাকে, তবে তার বড় ছেলে ও দলের ভারপ্রাপ্ত চেয়ারম্যান তারেক রহমান শিগগিরই দেশে ফেরার পরিকল্পনা করছেন। বিএনপি মহাসচিব মির্জা ফখরুল ইসলাম আলমগীর এই তথ্য জানিয়েছেন।

মির্জা ফখরুল বলেন, “চেয়ারপারসনের স্বাস্থ্য পরিস্থিতি মনিটর করার পর তারেক রহমান দেশে ফেরা নিয়ে চূড়ান্ত সিদ্ধান্ত নেবেন। যদি কোনো পরিবর্তন না ঘটে, তিনি দ্রুত দেশে ফিরে আসবেন।”

দোয়া মাহফিলে বক্তব্য রাখেন বিএনপির সিনিয়র যুগ্ম মহাসচিব রুহুল কবির রিজভী আহমেদ। তিনি বলেন, “কঠিন পরিস্থিতি সত্ত্বেও খালেদা জিয়া চিকিৎসা নিতে সক্ষম হয়েছেন। এটি আমাদের জন্য আশার খবর।” রিজভী আরও যোগ করেন, “আওয়ামী লীগ সরকারের মিথ্যা মামলার কারণে চেয়ারপারসন কারাগারে ছিলেন। সময়মতো সঠিক চিকিৎসা হলে আজকের অবস্থা এতো জটিল হতো না।”

এর আগে পররাষ্ট্র উপদেষ্টা তৌহিদ হোসেন জানান, তারেক রহমান দেশে ফেরার বিষয়ে পররাষ্ট্র মন্ত্রণালয়ের কাছে এখনো কোনো চূড়ান্ত তথ্য নেই। তিনি বলেন, “তিনি এখনও ট্রাভেল পাসের আবেদন করেননি। আবেদন করা মাত্রই তা ইস্যু করা হবে। দেশে ফিরতে সবরকম সহযোগিতা সরকার নিশ্চিত করবে।”

উপদেষ্টা আরও জানান, “যদি খালেদা জিয়া বিদেশে চিকিৎসা নিতে চান, সরকার সর্বোচ্চ সহায়তা করবে। তবে এ বিষয়ে চূড়ান্ত সিদ্ধান্ত নিতে হবে পরিবারের ও দলের পরামর্শ অনুযায়ী।”